

DIONYSII SENTEN.

puericia: iudicantes magis Reipub. in-
teresse, quomodo in uirili aetate regeren-
tur, quàm in prima puericia, & longe
plus ualere rectam educationem atq; in-
stitutionem, quàm bonas leges, quia le-
ges delicta admissa puniant, uerum

bona institutio prohibet, ne
quid poena dignum
committa-

tur.



Haganoë, ex officina Seceriana. Anno


salutis M. D. XXXIII.


die 19. Mensis

Martij.









P E T R I B E M B I

A B E N I A C M V S D

T U

A V G V S T I N I

O I D E S I V I R

B E A T I A N I

V E R O N A

48 847

0991 8883

P E T R I B E M B I

A B I E M G C M V A S C

E T

I V G V S T I N I
P R I V I L E G I O .

B E A T I A N I



2888.1920

0

P E T R I B E M B I

P A T R I C I I V E N E T I

B E N A C V S

Nuntius ut nitreas Benaci uectus ad undas
 Muscoso subter pendentia fornice tecta,
 Atq; Dei latis implevit uocibus aures,
 Aduenisse diem, quo formosissima terra
 Ausonia Verona sacris, templisq; regendis
 Demissum cœlo et magnis uirtutibus auctum
 Acciperes iuuenem, qualem tu te ipsa petebas,
 Forte Pater gelido Nymphis permistus in antro
 Tunc iacuit cubito innixus, cui candida Sirmo
 Docta lyraë digitis percurrere fila, canebat
 Carmen quod totidem numeris Gardeq; Saloq;
 Reddebant, sel astiuos circinnuagus orbes
 Axe terens, medio currum librabat olympos.
 Ergo auidis allata deus postquam auribus hausit,

B E M B I

Promissosq; olim satis sibi latus honores
 Agnouit, tangens hærentem uligine barbam
 Demulcensq; manu, iussit uicina uocari
 Flumina, conueniunt nitidis Ticinus in undis
 Piscosusque altas inuoluens Lambrus arenas
 Et pulcher cursu, fecundansq; Ollius arua
 Deductus riuis, et cultos Abdua campos
 Amne secans, flauo ripasq; interlitus auro.
 Tum rapidus fluuiusq; Atesis spectandus amœno,
 Populiferq; Padus genitor, qui flumina centum
 Ipse suo accipiens uasto latissimus alueo
 Vbera terrarum cursu per pinguia lapsus
 Portat, seq; mari septenis annibus infert.
 Quos tunc, atq; alios uelatus arundine crinem
 Mintius excepit uenientes limine primo
 Obuius, atq; in tecta parentis saxea duxit
 Lætifico cordis non celans gaudia uultu.
 Qui simulac uidos posuere sedilibus artus
 Crystallo rigida fultis, et iaspide glauca,

B E N A C V S

Continuo Nymphæ mensas ante ora Deorum
 Speluncæ in medio niveis mantilibus alte
 Consternunt, dapibusq; onerant, dictæaq; plena
 Vina ferunt, referuntq; manu, calicesq; madentes
 Præcingunt myrto atq; implexis flore coronis
 Purpureoq; rosæ, Medorumq; arboris albo,
 Medorum quondam, sed quæ nunc plurima lætas
 Benaci uestit ripas, non illa caduca
 Fronde uirens, suauiq; auras permulcet odore.
 Post ubi prima quies epulis, Deus ipse magister
 Vndisoni domitorq; lacus, præsentia circum
 Numina respiciens, his uocibus ora resoluit.
 Quod uotis totiens nequicquam optauimus unum
 Vobiscum Diui, fausto nunc sydere lucas,
 Voluentes lucas fatorum, orbisq; ministræ
 Adnexere, uehit pleno bona copia cornu,
 Largaq; pomi fera prætendit munera dextra.
 Quare uos primo longæui a semine mundi
 In mare cæruleum pronò labentia cursu

Voluite maiores uaga flumina, uoluite lymphas.
 Flos etenim iuuenum longa formidine sacra
 Perdita qui soluat, quiq; importuna malorum
 Agmina tot, belliq; faces, quas uidimus ipsi
 Pactra ultra, Thyleng; ultra, Scythiamq; releget,
 Quiq; urbes, quiq; arua colat, ioue missus ab ipso est.
 Voluite maiores uaga flumina, uoluite lymphas.

Hic primum miserris uiduatas ciuibus urbes
 Accipiens, uacuosq; suis cultoribus agros,
 Replebit numerum exæquans, augensq; priorem,
 Oppidaq; ingenti multum quassata ruina,
 Prostratisq; solo late mœrentia tectis
 Restituet, pulchroq; dabit splendere uultu.
 Voluite maiores uaga flumina, uoluite lymphas.

Magno nanq; p̄ij iuuenis deuinctus amore
 Hethruscus Pater, excelsas qui Tybridis arces
 Possidet, et nutu Romanum temperat orbem,
 Illius eximias Virtutes, claraq; docti
 Ingenij monumenta, et sancti pectoris artes

B E N A C V S

Suspiciens, obitosq; innicto corde labores,

Hoc dedit, has illi rerum permisit habenas.

Voluite maiores uaga flumina, uoluite lymphas.

Quid memorem ut tener, et primæ sub flore iuuentæ

Ingentem ad ludum properauerit auspicius Dis,

Indole dem quanta nixus, quam fortibus ausis,

Robore cen firmo uentorum flamina quercus,

Aut scopulus fluctus saxo excurrente marinos,

Sic undas rerum excipiens, et plena pericli

Multa diu casus uictor superauerit omnes.

Voluite maiores uaga flumina, uoluite lymphas.

Sæpe illum abruptis in uallibus Apennini

Versantem, luctantis equi cum frangeret armos,

Et glomerata uiam obstrueret nix athere ab alto

Pœninas uel per fauces, tractusq; uolantem

Aerios summo miseratæ e uertice Nymphæ

Optauere, graues cohiberent nubila nimbos.

Voluite maiores uaga flumina, uoluite lymphas.

Sæpe illi ad magnos Reges mandata ferenti

B E M B I

Astitit unigena proles Iouis, ut bona mater,
 Ut mater bona, quæ caro timet omnia nato,
 Et cupit in duros comitem se se addere casus.
 Tum pueri mirata oculos et uerba loquentis,
 Ipse meas arteis iam nunc tibi dixit, habeto.
 Voluite maiores uaga flumina, uoluite lymphas.
 Testis adest triplices magnas discreta per oras
 Fluviorum, nemorumq; ferax pecudumq; uirumq;
 Gallia, non auri, pictæ non indiga uestis,
 Diuersosq; iugo ad uentos, interq; cadentem
 Surgentemq; diem longo protenta Pyrene,
 Altis quæ geminas despectat cornibus undas.
 Tum dictis, factisq; potens illa inclyta bello
 Lataq; et in latas Hispania dissita terras.
 Voluite maiores uaga flumina, uoluite lymphas.
 Hæ nam te insolita orantem, auersasq; suorum
 Electentem Regum mentes Giberte uidebant,
 Acceptos conuersa sonos, cum uocis imago
 Redderet, et dociles iterarent nomina ripæ.

BENACVS

Voluite maiores uaga flumina, uoluite lymphas.

Testis et Hadriacus paruo qui flumine Rhenns

Lambit humum, testis thufcis haud maximus undis

Maior prole uirum et diuinos Arnus honores

Promeritus, cælum Diuisq; recentibus augens,

Pulchros qui colles, pulchramq; intersecat urbem,

Gens quorum imperio dispar, nec legibus æqua

Illius in studijs iandudum et amore quiescit.

Voluite maiores uaga flumina, uoluite lymphas.

Tu uero, tu Roma tui genus ecquod alumni

Iam non curarum, non commemorare laborum

Vna potes? tolle egregium per sacula nomen,

Tolle decus, daq; alta uirum uolitare per ora.

Voluite maiores uaga flumina, uoluite lymphas.

Quantum Trinacriæ vertex se sustulit Aetnæ,

Aut cinctus stellis Atlas, aut Caucasus ingens,

Tantum clara uirum Romæ se nomina tollunt.

Illam nouos tibi cœlestium concessit honores

Antiquis cumulans, at tu præsentia sæcla

B E M B I

Firmabis, ueterumq; abolebis damna malorum.
 Voluite maiores uaga flumina, uoluite lymphas.
 Ecce tibi lato uestit se gramine tellus,
 Et tibi sylua comas nutrit, tibi pabula surgunt,
 Fœcundus mites implet tibi pampinus uuas,
 Palladis et nigrum tibi ducit bacca colorem.
 Tum spisso quæ rete trahas, uel arundine longa
 Flexinagus nostris crescit tibi piscis in undis.
 Voluite maiores uaga flumina, uoluite lymphas.
 Accipe, quæ tibi Parnassi de colle sorores
 Dona ferunt. sacram Lauri de fronde coronam,
 Et plectrū, et Cytharā, scriptasq; ab Apolline chartas
 Aeternum quas ediscant, celebrentq; minores.
 Voluite maiores uaga flumina, uoluite lymphas.
 Ut Phæbo, utq; Ioui confectis Græcia lustris
 Sacra olim, et pleno posuit certamina campo,
 Sacra tibi, ludosq; tibi sic Italia tellus
 Instituet, sic illa tuo de nomine dicet.
 Voluite maiores uaga flumina, uoluite lymphas.

B E N A C V S

Accipe, quæ calathis porgunt tibi munera nymphae.

Luteolum Calthæ florem, Casiamq; uirentem.

Liliaq; Violaſq; et purpureos Hyacinthos

Haud porxiſſe prius poterant bella, impia bella

Pertulimus, dulces et deſormauimus agros.

Voluite maiores uaga flumina, uoluite lymphas.

Vt cum lætiſeros accendit Syrius ignes,

Riuus aquas, hortus flores, pratum inuidet herbas,

Ipsa ſuos ſitiens fœtus non educat arboſ,

Intereunt fruges ſiliqua labente peruſta,

Arua colit nemo ſiccis arentia glebis,

Vomeris et durum non admittentia dentem,

Cuncta iacent nimio cœli contuſa calore,

Triſtia ſic noſtris aderant prius omnia terris.

Voluite maiores uaga flumina, uoluite lymphas.

At poſtquam lætos effudit Iuppiter imbres,

Riuus aquas, hortus flores, pratum explicat herbas,

Ipsa uiret tellus, ripæ, colleſq; niteſcant,

Frondeſcit nemus omne, et gratas ſufficit umbras.

Ruris turba Deam uenerata ligonibus udam
Vertit humum, et putres exercet uomere campos.
Cuncta uigent cœli fecundis roribus aucta,
Nostras sic iocunda manent nunc omnia terras.
Voluite maiores uaga flumina, uoluite lymphas.
At uos septem fœlicia culmina montes,
Tuq; Pater Tyberine, tuum qui flumen olympo
Deuehis, hunc olim uobis, multosq; per annos,
Sit satis o tenuisse, meâ mihi iam date partem.
Ipse dabo multis, ne sint mea gaudia sola,
Et tandem nostris Iuuenem concedite terris.

Augustini Beatiani Epigramma
ad Petrum Bembum.

Ex animo quoniam Gibertum diligis, atq; hunc
Aequari cœlo laude merere putas,
Immensum eximio Iuuenis lætatus honore,
Nescio quid solito grandius ore sonas.

Et peream, ueterum nisi tu contendere sæclis

Nostra iubes, Veneti gloria Bembe maris.

Quam bene, non alio Gibertus carmine dici,

Hoc alius nemo carmine dignus erat.

Eiusdem ad Io. Matthæum Gibertum

Episcopum Veronensem.

Multa Deum humano generi tribuisse uidemus,

Nunquam hominis poterat quæ meruisse labor.

Innumeras ideo positas sibi possidet aras,

Et Deus in toto cernitur orbe coli.

Tu quoq; cum meritis dederis mihi plurima nullis,

Quis Giberte mihi te neget esse deum?

Dicere sed nostra hoc si relligione uetamur,

Supra hominem certe te coluisse licet.

Eiusdem.

Altera lux Medicum, nutu qui temperat orbem;

Nec uirtutis habet præmia digna suæ,

Signatum summo te cunctis lætus honore

Prætulit, et meritis non tamen æqua dedit.

Nec dabit, ut tribuisse tibi uelit omnia magnus

Hic Giberte Deus, cui dare tanta licet.

Finge tuos tamen æquari mercede labores,

Quo faciat fidei non habet ille satis.

Eiusdem.

Quam debere putem tibi, si Giberte requiris,

Quantum animo, atq; anima me dare posse datur.

Verum animo atq; anima, quando tibi reddere quantum

Debeo, non ullo tempore posse puto,

Saltem aliqua ut meritis referatur gratia tantis,

Hunc tu iure tuo sume animum, atq; animam.

AD CLEMENTEM VII. PONT. MAX.

AUGUSTINI BEATIANI

VFRONA

*Magne Pater, regere imperio cui Tybridis arces,
Et datur immensum sacris terroribus orbem
Concutere, atq; minis pauidas compellere mentes
Huc, illuc hominum monitis parere negantium,
Ex quo iam nostras implevit nuntius aures
Tot fracta, tantisq; tuis uirtutibus omni
Inuidia, ad sacræ lectum moderamina puppi's,
Debita iandudum, te celsa in sede locati. m,
Tergemino Augustum caput irridiasse Tiara,
Protinus exorta assueto maiora sonabant
Gaudia per populos, imisq; illapsa uoluptas
Pectoribus, curari. m obliuia grata ferebat.
Principe te rediisse fidem, rediisse uidebant*

B. iij

B E A T I A N I

*Iustitiam, terris tanto post tempore uisam.
 Spes erat exhaustam post tot fera funera Martis,
 Postq; tot auectas externo milite prædas,
 Principe te Italiam extinctis requiescere bellis,
 Posse, et in antiquas se rursus extollere uires.
 Quis tot præterea populis, regnisq; superbum
 Detentorem Asiæ iam cælo, undisq; minantem
 Audeat insurgens bello tentare, queatq;
 Tu nisi Dux uenias, authorq; in prælia Reges
 Concordes stabili firmatos fœdere ducas?
 Gaudebam hac animo reputans, sed publica præter
 Priuatim ipsa tamen nil quo lætarer, habebam,
 Cum sponte egregium iuuenem, uirtutibus auctum,
 Illustrem ingenio, insigni pietate decorum,
 Præstantemq; animi, qualem non ulla tulere
 Sæcula, nulla ferent, nostris qui rite, modoq;
 Præsideat sacris, possit qui nostra tueri
 Commoda, tale nihil nobis sperantibus offers.
 Scilicet hoc unum est, quo uulnera nostra coirent,*

V E R O N A

Quoq; habeat felix tandem fortuna regressum.
 Quæ flammæ tulerint, inimicus et hausserit ensis,
 Dum fera tempestas nostros sæuiret in agros,
 Nota tibi, et nostro reor ingemuisse dolore.
 Maxima sed lapsis tribuis solatia rebus,
 Hunc præesse meis talem cum ciuibus ipse
 Nil poscentem amplo iuuenē dignatus honore
 Iussisti, et Venetas decorasti præside terras.
 Cui simulac ingens te concedente potestas
 Obtigit, ac subiit tantarum pondera rerum,
 Dulcius, aut illustre magis nihil esse putauit
 Quam dare diuitias, et magna merentibus ultro
 Præmia, quærendiq; animos exoluere curis.
 Præsertim cordi quibus est, inuisere sedes
 Musarum, ambitione procul, studijsq; Mineruæ
 Altius innixos laudata per otia uitæ
 Vsq; sub extremum pulcro se offerre labori.
 Aspice doctorum numerum, qui casta frequentant
 Limina certatim Iuuenis, Parnassia tanquam

B E A T I A N I

*In dubijs responsa petant, prudentia uerbis
 Illius est, et tanta fides, ea gratia sandi,
 Ut nil unquam hominum audierint exactius aures.
 Quodq; magis mirum est, tota tibi mente receptum,
 Dilectumq; adeo, tumidum præcordia regno
 Nil quicquam quod non deceat, fecisse uidemus.
 Tu licet inuidiam super his, hostesq; requiras.
 Ergo hunc præpositum nobis, ubi numine diuum
 Fama tulit, iam candidius splendescere soles,
 Dulcius ire dies cœpere, et gramine campus
 Vestiri insueto, tellusq; effundere flores
 Visa nonos, quos nulla prius conspexerat ætas,
 Ipsa etiam arua situ posito ridere, comasq;
 Silvarum ætherias tractare licentius auras.
 At genitor nitreo Benacus flumine, gaza
 Regali decorat pendentia pumice tecta,
 Conuocat huc nymphas, uicinaq; flumina, mensasq;
 Instruit, atq; una dapibus uescuntur opimis.
 Carribus hinc, agitant animos ubi gaudia, uecti,*

V E R O N A

Mille cient uarios spatiosa per æquora ludos.
 Dumq; cient, spectant præstanti corpore nymphas.
 Quarum præcipuos ostentat uultus honores,
 Aetheriumq; decus. ueteres hic suscitât ignes,
 Concipit ille novos, nec dum bene suctus amori
 Ingemit, et medijs uri miratur in undis.
 Interea crebris resonat clamoribus æther,
 Splendida dum passim Clementis nomina læto
 Omine concelebrant, et cœlo laudibus æquant.
 Mox Gibertum omnes contenta uoce salutant,
 Atq; sua ut ueniat uisurus regna precantur.
 Clementem ingeminant, Gibertum littora reddunt,
 Turbantur fremitu fluctus, collesq; resultant.
 Hoc igitur refero ingentes tibi nomine grates
 O decus, Ausoniæ spes o fidissima gentis.
 Verum etiam his unum, inueni quæ magna dedisti,
 Unum oro adiicias, roseo insignita galero
 Tempora fulgentem nobis pater optime mittas.
 Insignes iuuenis mores. sanctissima uitæ

V E R O N A

Acta suæ nosti, totiens expertus amorem,
 Ingenium totiens spectatum rebus agendis.
 At tibi quam fidus fuerit, quam pectore constans
 Lata recessisset cum iam fortuna, fatentur
 Augustus Cæsar populi moderator iberi,
 Quiq; regit toto dinisos orbe Britannos.
 Quos simul eloquiū dulcedine mulsit, utrosq;
 Protinus æterno addictos tibi fœdere iunxit.
 Quos æstus animi? quos pertulit ille labores?
 Mutatis cum uectus equis sæuissima Rheni
 Frigora, Belgarumq; nives, uastiq; procellas
 Aequoris, et uitæ manifesta pericla subiret.
 Hæc meritis inuenis, precibus da munera nostris,
 Nene negare queas, tibi sunt exempla senatus
 Adriaci procures. Viden huic ut pectore toto,
 Toto animi affectu assensum tribuere petenti?
 Qui licet hoc possint tibi concessisse uideri,
 Sic te oculis gestant, tua sic decreta uolenti
 Accipiunt animo, magnum tamen omnibus, illum

B E A T I A N I

*Vndiq; et omnigena iuuenem uirtute micantem
 Allicere officijs, ac promeruisse putarunt.
 Præcipue Venetis Grittus qui præsidet oris,
 Quo nec consilio melior, nec iustior unquam
 Sceptra tenere manu potuit, rerumq; potiri.
 Cuius tanta uiget maiestas regia uultu,
 Tantus honos, ut non alia gravitate sedentem
 In solio rear ætherio dare iura Tonantem.
 Nonit enim patriæ imperio concordia tecum
 Commoda quanta ferat, necnon te nouit amico
 Quid sperare queat, trepido cum ardere tumultu
 Contingat latium, uel si terraq; mariq;
 Terreat Illyricas Turcarum exercitus urbes.
 Non tanto aspiciam Venetos terrore solutos
 Iustitia, et placida populos in pace tueri,
 Nil nisi tuta suis meditantes otia terris?
 Tu potes hoc cælo Clemens demissus ab alto;
 Ut regeres rite unus religionis habenas,
 Quam fæde oppressam, rabidoq; sub hoste labantem*

B E A T I A N I

Sustentare diu propria uirtute ualeres.

Tam pia quis duce te, quis te tam sancta iubente

Induere arma neget, certæq; occumbere morti

Si sit opus? cum sic decus immortale per orbem,

Acquiratq; sibi stellantis gaudia regni?

Hic ubi fortunæ uis deperit improba, nec ius

Vllum habet in nobis duri uiolenta fatis,

Atq; dies ubi nulla datum quæ fariat æuum.

Tu modo rumpe moras, et iam fer pectus in hostem.

Ire iube instructas acies, et prælia poscant,

Neue animum, regis memorata potentia frangat.

Nos adeo (sit fas nos dicere uera) tremendum

Fecimus ignaui, tot digna, indigna relatu

Qui tulimus, nec quicquam animos iniuria mouit

Degeneres, nil iam antiquæ uirtutis habentes.

Ergo tempus erit, cum uicto ex hoste triumphos

Inclyta te niueis inuectum Roma quadrigis

Ducere sublimem ad sacrata palatia cernat,

Curarum, atq; impendentis securæ pericli.

V E R O N A

Tu uero interea inuenis, quem clara sub alta
 Sydera fama uehit, fœtum applaudentibus alis,
 Cuius Castalidum chorus, et meditatnr Apollo
 Egregium decus æternis intexere chartis,
 Sine paras animum in solitas demittere curas
 Principis eximij, quocunq; ut tempore gratus
 Muneris accepti, gratus uidearis honorum,
 Sine tibi oblatas manus inuisere gentes,
 Veronamq; tuam, quæ dij precor omina firment,
 Nos, in te solum qui lumina iecimus, in quo
 Nostra salus posita est, spes et fundanimus omnes,
 Excipe tot sænis bellorum fluctibus actos,
 Atq; tuos fesso subeuntes remige portus.

1. 1880

2. 1881

3. 1882

4. 1883


5. 1884


6. 1885

7. 1886

8. 1887

9. 1888





Konserwacja dokonana w r. 1953
przez Piotra Karowskiego
Inteligatora Biblioteki Miejskiej

B 847 - B 855

